



黎陽王襄敏公集卷之二

巡按四川監察御史天雄赫

瀛登甫

四川布政司右叅議堯山王鳳竹允在

校

四川按察司副使郢上周嘉謨明卿

校

四川提學副使新安曹樓世登

輯

富順縣知縣匡南但貴元仁甫

編

辭

華清官辭

帝將汰兮樂樂曠名山兮華薄羗難為子雲中眇殿

閣兮戍削飛檐兮獻獻綉柵兮錯棧礎壁門兮知砌

黎陽三爰故文去

卷之二

承柱柱兮蹤跋梅有壇子椒有苑煥芳蓮兮水澹澹

晞組岫兮晃朗建明珠兮直上彤樓兮綠閣瑤壇兮

羽幄大羊兮西清鹿符名兮山容啟復殷兮夷城駕

繚復繚兮女墻下儼龍旌兮鳳蓋悅而明兮忽而暖

與女獵兮河曲金為羈兮玉為勒與女席兮天涯覽

為裳兮羽為衣望夫君兮奈思樂不極兮告我以不

歸悵千秋兮若此時不可兮屢得

其二

有美一人兮心所託被姣服兮織躡英朝與出遊兮

夜忘歸山之樊兮照解百司鈞膺兮陸續五貴般兮

屬秣驪駒驚寶軸諸姨從之兮而大國屏屏兮象筵  
墮璫兮委鈿捐珠琲兮霧散哀哀闌氣兮寃延霞冠兮  
翠帔整中幃兮雲之際合衆豔兮儵燭轉清暈兮流  
睇歛音兮眇眇芳塵兮縹縹騁秘梁兮天中播鐘虞  
兮爽陳龜盤羯鼓填箎高張兮紛絲絲而來下奄四  
海兮躋後君之心兮未已邑里移兮朝會遷光歲絳  
兮列貂蟬頤文葆兮負鼎悄不愕兮不言陣王坐兮  
金鷄錫之帶兮十閭夫人自秉兮美質蹇何為兮爾

晨

其三

祝少靈敏卷

卷之三

浴芳華兮瑤池待夫引未來忽中變兮偃蹇拓九關  
兮洞開鬱勃兮馭駸策駿駮兮奔螭攬鈺鼓兮蔽野  
戈鋌動兮拂霓標有矛兮吾逐兵接腋兮車接轂帝  
順動兮將焉薄屠雲車兮撤豐屋龍轡兮華輻和鑿  
兮啾啾擁周衛兮失次旂旗紛兮九旆臣隣兮嬪御  
狂攘兮載路鈿扇榆翟魚須笏兮赤纒烏騰駕君兮  
逶遲憑余怒兮不夷跪美人兮道曲帳羽袖兮襪灑  
朝弛鞅兮山阿夕流憇兮江澗折瓊枝兮蕙蒞將以  
遺兮無所歌冰寫兮悲秋風邑邑兮余愁歎與再兮  
目結心騷屑兮顧懷

其四

天兵合兮讐群兇銷氛沚兮奏膚公皇穆稜兮歸來  
盍將疑兮層宮秋風兮颺颺紅實兮離離泯無人兮  
跡絕敝紫殿兮金蘇霜霑庭兮月侵墀楚果愚兮失  
玻瓈滄石溜兮漱濯芳艸兮儼如昔錦鳧兮繡鴛思  
柔匹兮妍婢溟海阻兮太息魂之來兮秋之夕第竿  
竿兮增悲動所思兮為余翳之解幃袂兮王體謂芬  
馨兮可佩促而衽兮原中遺而履兮行路覽故處兮  
猶疑往丹楹兮延佇

其五

秣余馬兮脂余車歲二月兮西南徂登朝元兮騁望  
興廢忽茨兮愁予龍垆兮壘壘清川兮瀾瀾浮綠樹  
兮中天非雲非烟兮眇如薺蔚豐壤兮氣冲融疇隴  
靜芳兮卉明灼袷服兮雅艷發組繪兮鮮榮祥光兮  
繞繚虹霓迴氛兮海收潦軼咳語兮曾寤薄飛奕兮  
下眺撫華清之巨麗兮孰轉踵而失之望秦陵之坡  
陀兮兔薺鬱而蔽之馳之山兮畢之原丘纍纍兮州  
芊芊諒前世之俱盡余又悲兮有唐

乾鵠詞

繫飛駭兮容之遂之得氣之先兮如著如龜唯靈而

通兮吾固爾諮彼儉姣兮道愿甫嬉爾何喑喑兮昇  
詭詭隨夷窮獨兮噤焉背馳誰掣其肘兮靡然從  
伊知將來之多風兮巢於下枝童子探其卵兮云胡  
不知今而後兮語默其庸思母以鳩為媒兮母棄母  
鳩母信雄鳩之佻巧兮母黨鷦斯有鷦兩鷦兮文采  
陸離頽呈厥瑞兮恐群鳥之見疑天生聖明兮爾擯  
介其未儀羗一鳴以宣仁化兮陶四海之雍熙陰消  
道長兮寔維其詩爾言還兮亦孔之宜吾書信義兮  
爰好其詞匪橋之誕兮匪石之竒婉美關雎兮周南  
之詩禪治道兮復奚仁為緬懷君子兮念茲在茲修  
詞立誠兮德業所基可以人而不如鳥兮是箴是規

春山詞

春山兮青青帳雲深兮路不可行眇眇兮誰語悠悠  
兮我情獨徘徊而佇望兮香不知其所盟忽收歌兮  
山麓隔長烟兮應空谷草淒迷兮漫綠花落兮水流  
鳥鳴兮樹幽將柰何兮老景懷歸去兮故丘

放鷹臺

效狐狡兔兮耽荒臺秋風秋草兮鷹不來我思古人  
兮安在哉

挽宋繡衣母

前有母兮子未壯而先亡。求懷劬勞兮子既立而亦  
故求懷鞠育兮慕子之思親兮。心悠悠一日不思兮  
何以解憂。介山之石兮。有時裂子之思兮。無時歇膠  
河之水兮。有時竭子之思兮。無時絕子登栢府兮。有  
聲母愛天恩兮。有榮子之孝思兮。如此母雖千古兮  
不死。

送宋君惟遠漕運回京

前年九月送君行。溪上滿船秋月明。今年黃葉開秋  
對。又向溪頭送君去。賢勞王事促嚴程。溪水茫茫留  
不住。畱不住兮可柰向。勸君且飲金叵羅。醉來拍手

黎陽王業成公集

卷之二

五

聽我歌我歌。豈為離情多。丈夫筆頭一寸鉄。等閑要  
補青天缺。撐腸拄腹五千卷。不作商霖非俊傑。君司  
出納。才有餘糧。莫真能代簿書。已見經綸漕運米。尚  
期飛輓足滄儲。君聞我言忽長嘯。再拜頽安承此教。  
斜陽倒影暮雲深。萬里西風震櫓桴。

謁岳王祠

自分林泉人。此腰久不折。今謁岳王祠。下拜非諛悅。  
一拜孝義之堂堂。再拜精忠之烈烈。三拜文武之全  
才。四拜古今之豪傑。為金虜之仇。必可復。中原之恥  
必可雪。朱仙鎮已逼東京。十二金牌和議決。乏糧不

進奠須有國體已無公道絕。吁我五國海天遙。二帝  
游魂向誰說。我有一管筆。利似龍泉鉄。可以刻檜之  
心。截檜之舌。斫檜之頭。刺檜之血。萬侯高負勢欺君。  
固當粉其骨。張俊之杜賢嫉能。亦安能逃其責。我詩  
雖非温厚辭。不平之氣聊以泄。風清月白酒酣時。擊  
碎唾壺歌一闋。食君之祿而不流涕者。是無為臣之  
節。後來文山似武穆。臨敵制勝之機。識時務者自能  
品其優劣。檜之大奸。直流至賈似道。萬里匡山宋家  
滅。

步太虛詞次襄國韵

黎陽叢書

卷之二

一

八極隘神遊。步虛凌倒景。南山如一拳。東海如一井。  
紛紛世上人。土偶與桃梗。我不學顏愚。我不學賜穎。  
去兮不可留。來兮不用請。入火亦不熱。入水亦不冷。  
也服勾漏沙也嚼瑤池。芥也飲紫霞杯也啖紅綾餅。  
容止也不拘衣冠也不整。嬉笑也不嗔怒罵也不屏。  
酒醒三十年。蓬萊瀉聲求。

烏夜啼

烏啼烏寂哀。烏啼夜偏苦。寒林返哺私。空巢足凄楚。  
俯懷悠悠兮。孝子心親不待養。兮哀情深仰天蹄。泣  
兮血泪滿襟。如烏之啼兮。托聲於琴琴不可聽。兮哀

不可禁聽此不衰兮不如此禽

知音難

我有琴兮伊誰賞音世無鍾期兮寔傷我心我有劍  
兮誰其識者我心孔悲世無歐冶我琴寥寥兮興趣  
闌我劍落落兮神彩寒瓦釜鳴兮衆聽是權鉛刀利  
兮群議所安絕我之絃兮不彈斂我之鐔兮不看悠  
悠長歌兮永懷夫知音之難

洮涓四景

登斯樓兮優游有書可讀兮何愁兩山環拱兮雲歛  
雨收空翠濕衣兮如水之流塵飛不到兮清絕我思

黎陽王襄敏集

卷之二

七

古人兮鄴侯

右書樓環翠

登斯閣兮四顧佳趣滿前兮詩庫知音不來兮吾誰  
與歸明月清風兮相看如故獨坐長吟兮興懷我思  
古人兮老杜

右詩閣獨眺

伊東園兮三逕中有草亭兮幽靜寤達聽命兮人以  
天定行樂及時兮地以人勝飲酒賦詩兮自適我思  
古人兮陶令

右東園草亭

伊逝者兮如斯何曲折兮清竒流觴勸客兮酒到莫辭天開圖畫兮安可無詩蘭亭墨妙兮難再我思古人兮羲之

右曲水流觴

送吳司訓父還桂林

昨從桂林來今從石城去東風萬里一孤舟江水江雲留不住留不住可奈何勸君滿飲金叵羅酒酣耳熱聽我歌乃歌之曰父薄宦情兮高蹈子分師席兮善教父子久不相見兮時以書報既見而樂兮如夢忽覺云胡又別兮父子相告子願養親兮功名奚足

黎陽王襄敏公集

卷之二

一八

道父云顯親兮口體奚足較父如是兮訓之忠子如是兮心之孝忠孝人之大本兮豈獨吾儒之所好當杏花之零落兮言還許荔子之丹兮可到老我亦思故鄉兮未歸君再與之會否兮雜料聊歌此以送君兮攬明月而長嘯

穀城八竒為段大尹賦 八首

初通商賈

山城僻遠兮無商賈交易不通兮道途苦我俟下車兮破天荒滿市謳歌兮喜欲舞觀風來此兮第一竒但願黃金兮價如土

築城捍患

寇盜之來兮不可必居無城郭兮守無術我侯下車  
兮版築興庶民子來兮功告畢觀風采此兮第二奇  
堅完如金兮安用漆

化盜為農

民窮為盜兮徃後威醫瘡剗却兮心頭肉我侯下車  
兮威惠行賣刀與劍兮買黃犢觀風采此兮第三奇  
禾黍芄芄兮春兩足

教民農桑

惟善養民兮古循吏不知務本兮非善治我侯下車  
黎陽黎陽卷之二  
卷之一  
一  
兮首農桑三時不奪兮蠶事備觀風采此兮第四奇  
衣食飽暖兮利其利

作興學校

人能率性兮之謂道能修其道兮之謂教我侯下車  
兮禮義興絃誦洋洋兮在學校觀風采此兮第五奇  
民知所向兮忠與孝

代民輸租

吏來催租兮貧無穀一家父子兮相聚哭我侯下車  
兮子憂深惠而不費兮公務足觀風采此兮第六奇  
愷悌君子兮民之福

虎狼道迹

狼貪虎噬兮聚群醜白晝縱橫兮民患久我侯下車  
兮信義孚若有神明兮驅之走觀風來此兮第七奇  
化格猛獸兮應不偶

祈雨有感

旱魃為霄兮民心苦苗而不秀兮華不吐我侯下車  
兮禱于神一誠感通兮沛然雨觀風來此兮第八奇  
早以循良兮陸

明主

傳

○ 麴生傳

麴生者長安醴泉人昔黃帝會王母於嵩山有壽光者即生始祖也二世祖用和與米大夫江先生結為死生交又得曹尚書胡平章賈中丞附會之遂因儀狄而見禹惡其太柔美日漫疎遠傳六世至廣陽君獲寵於成王周公恐王沉湎作誥進以戒及孫文太受教於杜康仕為青州從事進見孔子孔子見納終不及亂其後子孫繁衍流漫天下皆好延賓客漢司馬相如貧時賴以資給歷唐有允通者強橫不律弒

東陽王襄敘文集

卷之一

十一

李白於江中延五十世而至生生之兄易姓為白名改王雖有火性見人極親熱以征伐有功封平胡將軍人見之氣談可畏生名曰通號長春居士其為人和顏悅色處已在清濁之間與人交能洞見人肺腑有通變才見君子則帖然敬服遇小人即顛倒佐使惡言穢行無所不至自天子以至於公卿大夫士農工商自中國以及四夷八蠻皆樂與生交獨釋道外若相忤其中倍加親愛同州人孔方兄慕生崇尚禮讓舍己以從然生性亦不常或傷於放浪人亦海涵或過於措置人則蹙額時或醇正典雅人斯無間言

矣太史公常舉越西施晉石崇楚項羽與生較量功  
罪以生為功之首罪之魁嗚呼生果何如人哉有事  
而竊成敗之權無位而專生殺之柄賢者好之愚者  
不惡富貴者好之貧賤者不惡生果何如人哉其鄉  
愿之流與黎陽王越素惡生者自識荆後喜生風味  
可人不覺淪於肌膚決於骨髓第恐浸潤不已適足  
敗事請以絕交生弗然曰汝憂我解之汝寒我衛之  
汝怯我壯之汝病我料理之汝困苦我扶持之汝若  
嗔怒我即退避何負於汝汝絕我耶某聞其言良又  
再拜曰子之言是矣誠不敢拒絕而今而後但當其  
交也以道其接也以禮

梁陽王褒劄

卷之一

二

臨潼分司多壁蝨盛夏夜不安寢為文以罵之

其辭曰

維爾蝨之種類至不一也在狗類蠅在牛豕類蟪在  
人處縑而縑處白而白者其么若蟻不知又有爾類  
嗜腹而輕身纖足而勁嘴或青或紺或黃或紫白晝  
潛藏昏黑全起脫走如珠狙刺如矢使人脇不得以  
帖席肱不得以曲几追蹤捕痕若亡若存遁景朽空  
滅跡密紋湯沐所不能攻掌指所不得捫但見肉班  
隣其成療膚室粟其生龜龜怒床几而欲剖避衾褥

而欲焚嗚呼爾蠹乎蜂則有蠆兮蜂可祛蝎則有螫兮蝎可誅嗟爾么類孰能屠騰蛇神兮殆即且即且校兮制蝨蛛嗟爾么類又誰去嗟大化之好生恐一物之弗紓胡爾惡之暴毓為吾人之毒荼飽膏血之毒嘴資肥腴之臭軀吾將上告司造殄爾類非無辜也辭畢是夜夢有被玄衮裘絳腹而至者若有辭曰吾即見罵爾文者辭義既嚴敢不退避然吾小毒小臭耳亦知世有大毒大臭者乎奸法竊防妨化圯政剝人及膚殘人至命闕若豺虎惡甚泉鏡此非大毒大臭者乎為國之病而執法不屏其或分民曲直任國是非義無避位仁不讓師則丹書是絳皂櫝見遺彼大毒大臭又何憚而不為除乎且吾起使適即消息乘機白露灑空勁風吹衣蟬蛻而莫知予之竹歸子試絜夫大毒者毒無已時大臭者臭無窮期孰為可詈不詈乎子不窮南山之竹以為辭而詈予瑣瑣不已戲乎於是余乃增憤加悵涕泗不支霍然而覺不知蟲之所之

記

登泰山記

洞天福地之寓於人間者皆九州之奧區幽邃峻絕必梯危隄險履其不測而後始得闢其勝地若海外之十洲三島腹裏之武當泰山是已泰山在泰安州界齊魯間是為東嶽以位居東方萬物發生之始為五岳之長故又稱岱宗杜甫謂岱宗復何如齊魯青未了是已予家濬濬古衛屬邑與魯為唇齒邦自少慕泰山之勝嘗欲登絕頂覽八極以快心目竟妨于舉子業景泰辛未厠居甲科獲從內翰許先生遊先

梁陽王象敬公集

卷之一

十四

生世家魯寧陽去泰山僅百里堂語人及登泰山詩予陡然興懷恨不贅一詞其間天順丁丑先生致政歸鄉歲庚辰予亦叨拜山東按察使心口私語泰山之登可與先生卜矣及視事百務叢脞又不果行明年繡衣康公來按山東適泰山仁安殿成約予往拜且謀期先生同登泰山予聞之一劃然笑平生願也負弓矢而前驅何敢辭時秋九月十七也即日遣人白先生次日向曙予與康公就道暮抵石都窳有老僧迎拜道左懇乞東入靈巖寺宿明發行三十里州中馳報先生已至予二人攜鞍色喜及晡抵州會先

生於公署。康公設酒餼，歡飲二鼓方寢。十九日，賞詣仁安殿，拜祈嶽神，以康福吾民。然殿在山下，瞻拜之餘，日色近午，山高四十里，度不能往。返遂止。二十日，先生凌晨，預出州北門，駐后土廟，候予二人至，下馬作禮。州主李琦，又具小轎，轎皆無足。若江南所謂籃輿者，取便於山行也。廟背半里許，即升元觀。稍東，遂入山。石逕狹小，曲曲如蛇蚓。五里，經高老橋。橋下水石相激，撞作激湃聲，使人神思蕭爽。北上三里，懸崖一石洞，洞口有泉飛流其下，沃若垂簾，似非人境。又北二里有岩，挽削若棚。州人相傳為嶽神牧馬處。復倪進五六里，道左有蛻仙巖，可容數人。元翰林學士王從之與客飲岩中而卒，因名。岩轉東北四里，為回馬嶺。嶺上草木陰翳，石磴陡峻，乘馬者不復能上。過嶺一里，舊有大松五株，即始皇東封時，風雨暴至，避樹下，封五大夫者。今止存其一。樹枝虬屈，與衆木特異，附根有石，其平若掌，憩息少頃乃行。歷黃峴嶺，山益高，樹益老，路益險狹。山勢益怪惡，可畏。俗呼為黃泉嶺。循嶺泉下，徐度三坡，頗覺夷曠。行者得以蘇息。因名快活三。其北兩山相頷，狀若吞吐。人從隙中穿出，是為小龍口。由此而北，勢若小龍口，而險阻過之。

是為大龍口。迴視大夫松，又十數里，口之北連綿七  
八里，陡若梯峻，若坂曲若羊腸，步步皆石磴，心毛竦  
豎，常恐仰墜。此十八磬也。磬盡，跨石而入西天門。近  
門有三清廟，廟東三里天仙玉女祠，祠瓦皆用鐵，否  
則為風所拔去。祠之右土房三四楹，數道士居焉。祠  
左有瑤池，水極清冷，可濯可漱。池後有府君殿，殿陰  
磨崖萬丈，宋真宗封禪，碑字太幾盈尺，得古隸體，漫  
為蝸涎苔色，所侵蝕間有存者，亦剝落不能誌讀。自  
崖而西，西而東約二里，先生倦坐石上，予與康公直  
造絕頂，上有秦石表，乃始皇登封立為神主，摩挲又

黎陽王表敘全集

卷之二

八

之，瞠目四望，眇不知天地之為大，俯見山腰，樵者星  
散，大如指，祇疑白石，尋漸移動，始知是人。絕頂東二  
里，兩峯峭立，北為日觀，南為月觀。日月初出時，可以  
觀見景像，與海濤之光彩，觀側為東天門，門南一峯，  
峭拔層霄，迴鴈峯也。再南五里，左為觀音岩，右為捨  
身崖。崖懸探直下，莫知幾千萬仞，人或捨身於此，觀  
音即救度之，浮屠之論也。沿崖而西，有試心石，週圍  
纒一二尺，聳然突出，人有跨步炷香石上，以著其誠，  
又其西澗上，兩石軋接，謂之僊人橋。險阻不可度，至  
是則力疲目眩，清興闌散，乃邀先生尋故道歸。先生

以為登泰山而無詩其不負山之靈乎於是各舉筆賦詩詩成予侈然自謂泰山靈蹤舉在眉睫之間傍有道士拱而進曰急著芒鞋數月僅能得其皮膚片時而心自足小泰山爾試指陳一二以煩清聽泰山左處徂徠右憑蒿里徂徠即石守道逸隱處絕頂有紫源池產靈蒲一寸九節下有蒿里祠宇壯麗善惡苦樂之狀凜有生氣使人敬畏不敢為惡前有天書觀宋封禪時建之以祀天書觀有社首碑王欽若撰又有登封臺朝覲壇丈人峯呂仙洞雲雲岩岩二亭後有昭真岩天仙王女脩真冲舉之所桃花峪滿林

皆桃春時盛開遙遙數里外香氣觸人豐都峪幽暗清冷人不可入及仙人牧羊坡王母池龍紋虎伏二石諸名泉七十餘山之有神氣萬丈不可悉數願自駕以盡餘興予晚而視之見道士貌古神清亦非世俗者流蓋將訪以胡安定投書澗孫明復讀書臺遺址不覺日已西沒從者從之歸須臾月從東山之口隱隱而上松影滿身清風浙颯行及山下月明中遙見一老翁鬚眉皓然深衣隱中執稽木杖携酒殺相俟怪而問之乃王地官之尊甫年八十餘矣遂命僕息肩各三引觴而別仍宿於公署二十二日先生歸

寧陽予與康公同還濟南於乎大凡喜遊事苟留意  
焉皆足以喪人志泰山之登嬉也不幾於喪志乎因  
作記以自儆俾覽者亦知所儆云

開州鄉賢祠記

開州古澶淵地廣民衆不良有司不易治江東胡公  
希宋以明進士牧於是才而不苛明而善斷化行既  
久百廢俱興乃考諸祀典古賢者沒必祀於鄉所謂  
鄉先生鄉人以之薰德善俗州固多賢皆天下士豈  
特鄉先生而已此典尚缺伊誰之責因按典誌得自  
漢汲黯而下四人我朝紀著而

人祠而祀之

丐余言于石以求其圖顧余昔嘗南巡過新鄭拜三  
賢祠碑蓋韓魏公作過洛陽拜九賢祠碑蓋王清澗  
作今諸賢碑余不知量敢効一公執筆當執鞭也况  
諸賢功業學行昭於信史洽於人心余復何言雖然  
人以言傳言以文著為有道言言而不文何媿且春  
秋無費詞綱目祖之余讀聖賢書豈貴多言哉但錄  
其記事之由與諸賢姓名大書深刻俾後之英俊指  
而評之曰某剛正不撓可以勵逢迎取容者某風猷  
清肅可以勵庸庸保祿者某端本明經可以勵曲學  
阿世者某某忠烈鎮靜可以勵偷生舞文者某某襟

度疑遠問學宏源可以勵浮躁寡聞者某高蹈遠引  
可以勵奔競者某品裁精允可以勵昏墨者某直道  
愛民不附時宰可以勵脂膏不振者某某某氣節凜  
然涵養有素張皇六察萬折必東進止於禮義之閑  
又可以勵趨炎附勢苟求富貴者一觀感之間賢者  
知所法不賢者知所戒庶乎片石可語是有補于世  
教不猶愈於漫作者乎

重建長春觀記

濟之野有山曰浮丘山之北有觀曰長春取立真人  
號也志失詳或長春嘗憇息於是而得名也或又曰

黎陽三葉徵侯

卷之一

一九

長春實未至濟人景仰長春而自名之也邑亢災疫  
旱澇皆禱於是禱輒靈應故邑人皆崇之然地近於  
山既僻且隘主簿陳君某乃卜城中散地而更新之  
經營有方不勞而就中為殿三間前有門翼以兩廊  
輪奐之美聖壇之飾如鼓如鼙不豐不儉人皆以為  
神祠也既來屬記於予予惟天以一元之氣默運於  
四時春而夏夏而秋秋而冬固無一息之停然而春  
主發生萬物其風和其氣溫其日麗其情舒故凡物  
之大小高下莫不得此陽春之澤而先輝焉四時莫  
過於春也故觀不名以夏不名以秋冬而以長春名

觀乎其無時而不春矣然何止乎一觀予方願一邑之人皆長春也何止乎一邑予方願天下之人皆長春也又何止乎天下予方願萬世之人皆長春也嗚呼春在天地天地不自私而真人取之以為號真人亦不能自私而後人取之以名觀觀不能自私而歸之於一邑邑不能自私而歸之天下後世天下後世不能自私而後歸之於天地可見春亦不能自私而長在於天地間也或曰四時之序功成者退欲其長春可得乎予曰不然夏不亢害夏之春也秋不霖霖秋之春也冬不大孽冬之春也方今天下四時順序萬物皆春而子猶謂不能長春子將和李白之賦而次鄒氏之管乎吾恐子徒知春之春而不知長春之春也又惡知所以名夫觀

內黃縣重修廟學記

學何始始於有虞氏惟國學置官曰塾庠序各求師故三代相因未聞郡縣有學官也郡縣學官何始始於漢詔天下立學官孔子廟何始亦始於漢祀周公為先聖孔子為先師今廟無周公而孔子不名先師何唐去其周公封孔子為文宣王宋加至聖元加大成焉廟必立於學何學所以明孔子之道學校立於

前孔子生於後謂學明孔道何蓋時不同而道同前  
聖之道非孔子無以傳後聖之道非孔子無以法是  
前亦孔子之道後亦孔子之道先天地而不見其始  
後天地而不見其終莫非此道道何在在六經六經  
何在<sup>上</sup>五常五常何在<sup>上</sup>人心心存之則君臣父子夫婦  
長幼各率其性斯其人失之則夷狄禽獸罔有倫理  
非其人故學校不可一日而廢壞者道在也我

太祖高皇帝掃清寰宇首重斯文

列聖相承躬祀孔子擇文學以任師儒選俊秀以充  
弟子提調責守令考試責憲臣取用屬科貢造就賢  
才以隆治化學校之功大矣內黃

黎陽王襄敏公集

卷之二

三

王畿中原文獻之邦學在縣治東北隅元季毀於兵  
洪武初縣丞楊郁鼎建規模卑隘繼之修者皆仍舊  
貫今百餘年日就頽毀弘治四年辛亥冬張侯來尹  
是邑推軾視篆即謁孔廟瞻拜之餘惕然興感此吾  
縣令首務是而不修曾釋道之不若遂以改作為已  
任縣丞許君盛田君峻主簿張君禮相成維謹侯即  
捐已俸白金四十八兩以為倡邑士大夫各出金帛  
數以十計議以教諭蕭君聰詳慎有為宜董其事訓  
導路君漢玉君榮洞達事體贊畫之於是登墉相土

樹表定方舍其舊趾遷於西南隘者廣之卑者崇之  
易材陶甃鳩工十日庶民子來百手合作經始於五  
年壬子秋 月 日落成於七年甲寅春 月

日大成殿以間計者五兩廡以楹計者三十六高廣  
視昔倍焉又戟門櫺星比昔再倍中鑿泮池以欄以  
橋又殿後立明倫堂堂左右立日新時習二齋各減  
殿二間增廣號舍如廡之數又會饌有堂觀德有亭  
文昌有祠宰牲薦享有厨祭器藏書有庫門暨儒林  
官分廡宇是皆昔之所無者翬飛壯麗煥然一新奠  
獻於斯講習於斯聖道昭明士風丕振蕭君等愈謀

求圖乃徵子言刻石紀侯之功於戲孔子之道猶日  
月在天譽天地之大褒日月之明匪愚則惑余何言  
哉若夫侯之功業則有可言者昔柳子作道州文廟  
碑著薛伯高之勤李構作袁州學記頌祖無擇之美  
今張侯是舉過於薛祖內黃

王畿重於遠道第愧余言蕪陋不足以方柳李昭示  
後人雖然善言者不以虛文掩實行以學不廢侯之  
名不泯歌魯侯之詩甲蜀守之贊安得天下守令皆  
侯之賢以茂成王化哉侯名鳳字某江西宜春人學  
行才識無施不可

跋

白描羅漢渡海圖後跋

白描羅漢渡海圖一卷憑靈御怪狀入能品然無題識可驗評者為是李伯時作伯時在宋熙寧間登進士第書畫獨步當時畫非臨摹多不設色每每用澄心堂紙為之是即白描蓋畫莫難於白描猶書莫難於小楷銀鈇線圈家數亦猶銀鈇鈇畫元人又謂伯時佛像可追吳道子豈多得哉且伯時與東坡善東坡題四菩薩世稱二絕此畫不減四菩薩恨無東坡筆力與之爭先顧披圖三歎睿覽之餘珍藏什襲捲錦以歸第海門潮湧六通神物凌風化去矣

黎陽叢書

卷之二

二十三

跋陳恕齋桂林書舍卷

桂林書舍余三登矣主人三酌余酒始登則江梅獨芳再登則牡丹盛開三登則黃菊滿籬而桂林金粟時亦繁錯卒謝主人曰三飽以德酣樂不淺主人曰何樂也曰余有真樂樂不在物敢告主人梅栽寒似屈原牡丹富貴似萬石君菊晚節似韓魏公若夫桂林清高則似唐十八學士轉睛之間余何幸迭與諸名賢相對暢飲天下顧有此樂邪噫物之興衰靡常人之聚散不偶不識明年得對諸賢樂此書舍否姑

詠  
題卷末以為他日故事至於主人作會高致具在騷

魏陽王襄敏公集

卷之二

三



頌

石城平虜頌

於赫 聖皇邁德虞唐萬國來王繫涼之壺寧胡攸  
居以田以廬粵茲胡酋乃旅逆傳與天為仇桓桓都  
臺蘊經濟才董師西來首醜我欺我恩序施示煦弗  
疑醜罔悔悛犯我戈鋌士奮醜顛砌鳴其聲臊腥其  
形殺戮縱橫險平酋擒式馳捷音都臺彈心維甫及  
申周詩載陳寔社稷臣振旅獻俘歸功

聖謨

天子曰都臣德我旃亮弼化原

黎陽三襄集

卷之二

二十九

天子萬年

銘

左書銘

安吾之居讀吾之書六經之言至言無私至味有餘  
古今軌範天地襟裾源泉既達茅塞可除心廣體胖  
其樂何如魯也以魯顏也若愚吾雖不敏敢不勉諸  
出此入彼誰之過與慎哉勿惑曰無與虛

右琴銘

正吾之襟鳴吾之琴鳥獸可格鬼神是歌帝舜和德  
孔子養心南薰之歌猗蘭之吟伯牙移情鍾期賞音  
通於天地達乎古今趣不在絃指何以尋欲聽斯曠  
欲言斯瘖妙在自得其樂也深慎勿他惑鄭聲之淫

黎陽叢書

卷之二

二十一

誌

故陝西按察使侯公墓誌

余友侯公世傑端人也今亡矣悲夫其子天民以余知公深丐銘墓石詎不可辭爰用執筆按狀公諱英字世傑裔出晉侯縉之後絲派湮遠莫詳其次自宋元來為開州清河里人世有令隱德迨考諱春字始業儒中永樂辛丑科曾鶴齡榜進士授江西道監察御史以才行擢浙江按察司副使公務北上遭疾便道卒于家妣鍾氏五子佐英佑傅偁皆克家英即公資稟純篤才識穎敏早克郡庠弟子員從翰林脩撰劉仲方先生學授書經為文必以理勝不高浮藻領景泰丙子鄉薦明春會試不偶入成均大肆學力遂登天順庚辰王一夔榜進士尋授廣西道監察御史天順甲申巡視邊關成化丙戌按治陝西歷著聲望戊子遼東歲荒當道薦公往至則引古十一策酌今急務從宜賑恤全活者數萬人適上命太監數人往封高麗國王僕從暴軍民困苦公不畏勢要力陳不可出使者數條章凡三上遂可其奏遼人德之不忘旋掌道事屢陳時政詞氣剴切士論以為有古諫臣風又以年勞從考舊銜贈中議大夫資治尹妣恭

人配謝氏封孺人已丑擢陞四川按察司僉事整飭  
建昌行都司兵備禁貪酷撫困窮父老能道其由癸  
巳妣卒聞計哀毀過禮與弟偕廬於墓側不御酒肉  
朝夕號泣服闋尚不忍去有司上其事旌表其門閭  
且常戒諸子曰汝祖雖居方位庶無長物吾讀書甘  
淡薄汝母親操井臼幸有今日願汝輩毋替先德諸  
子受教惟謹男女嫁娶悉依文公家禮又取范公族  
會法各族立宗子統率族屬月朔望一會人出錢若  
干收濟貧不能婚葬者人出麥若干納諸義倉以備  
先塋之祭鄉人是式丙申改江西按察司僉事戊戌  
陞本司副使壬寅陞本司按察使巡撫巡按官交章  
旌薦陞江西右布政使丙午陞左布政使執法不從  
請托如御史按察時以致江西當道者深銜之飛謗  
如雨丁未無上事調廣西左布政使弘治庚戌擢都  
察院右副都御史奉命巡撫河南方務舉錯偶以  
廣西任內事註誤調四川按察司副使仍理建昌兵  
備感疾累乞退休朝廷勉留卧治甲寅復陞陝西  
按察使扶疾便道回家遣子天民奏蒙命有司調  
理痊可取用醫藥罔効是年十二月二日卒於正寢  
上距前生庚戌享年六十五歲擇明年乙卯九月七

日墜先塋之次嗚呼公端人也故始終大節如此漢  
汲黯寔鄉先達公端正類黯建昌淮陽俱以疾終出  
處又相類朱子綱目書以汲黯為淮陽太守以見武  
帝忌賢不復召用也他日史官當書中丞侯某卒以  
見聖主任賢將復舊物也後先振耀昭示千古彼食  
祿而志行不端者聞公之風其亦知少媿哉公初配  
謝氏側室金氏繼室王氏俱有懿行六子天民謝出  
天工天祿天瑞天節金出天運王出皆讀書克家女  
三長適士人楊統次適鄉貢進士吳厚次適士人陳  
上公竝脩婦道余不文誌而銘之銘曰

儲之也清廉之也明負之也剛用之也誠幼之所學  
壯之所行天能抑其亨不能抑其貞地能埋其形不  
能埋其名克配前休以哀以榮彼美端人敬此之銘

明故趙母萬氏墓誌

趙母萬氏卒其子鰥服喪麻走余所號泣再拜拜已  
而言曰吾母進賢右族萬隱君之女聞於內則隱君  
擇配故家乃歸先考吾家本宋涪陵公裔有續之緒  
之者從高宗南渡遂家進賢至仲禮者寔先高祖考  
生曾祖考桂芳桂芳生祖考正己正己生先考諱仁  
鳴字秉春別號野耕剛介自持儒而嘉遜祖考沒祇

奉祖妣吾母巽以承志生養致其敬死葬致其哀追  
祭盡其誠鄉黨宗族稱孝無間辭語簡重隣不得聞  
其聲動止端肅不喜嘻嗚嗚感如中度至於中饋織  
紉利女之貞夫焉有附吝遭先考喪哀毀幾滅性懿  
時年踰弱冠母恐墜先聲俾從內翰張先生學學始  
就緒遣入邵庠甫二載中成化丁酉科鄉選春闈登  
乙榜授山東滕縣學教諭迎母就祿養任滿奉還故  
里懿再任直隸大名府濬縣學教諭典廣石文衡便  
道迎抵濬閱五載卒于官舍臨終顧謂懿曰一力忠  
孝無怠毋忽謂婦曰善事夫子又謂諸孫曰明經効  
用以光門閭遂絕子三長即懿娶侯城舒氏次鏐娶  
市中汪氏次錨故娶旺溪傅氏女二長配田南熊次  
配超崗王孫男八長貞源娶祿美胡氏次貞灑娶梓  
溪夏氏並游縣庠次貞渠皆懿之子貞濬娶南昌吳  
氏次貞灑皆鏐之子貞灑貞准貞泗皆錨之子孫女  
二貞潔懿之女貞淑錨之女俱幼在室曾孫二義楫  
義權皆貞源之子吾母生大明永樂乙未年十二月  
十九日歿于弘治甲寅年十月十一日壽八十茲歸  
合葬先考之墓窮風水之聲無以塞其悲廢蓼莪之  
什無以終其慕願銘墓石以求其圖言訖又泣而拜

然懿字廷用有學行雅善於余銘何可靳嗚呼趙母  
可銘也已而德而言而功而容婦德咸備而尤重孝  
敬可銘而父而夫而子而孫親屬皆賢而安享福壽  
可銘惟其可銘是以銘其銘否則諛而已余不佞何  
敢犯劉義之譏銘曰

壽而困窮天益其憂福而夭折天損其休於惟趙母  
福壽咸備天道無私德之所致伊德何先曰孝與敬  
子貴孫賢德之餘慶銘刻于石形歸于土德不可埋  
光昭千古

明故姑蘇天全蔣公墓誌銘

黎陽王襄敏公集

卷之一

三十一

天全蔣公卒其子鈍丐余銘墓中之石夷考其行儒  
丈夫也謹當執筆公諱綾字洪章號學韋其先出周  
公子伯齡之裔本文蔓迺莫詳其次世居蘇之常熟  
近自曾大父恭安生伯仁伯仁生玉輝玉輝配許氏  
生六子公行二玉輝始教習舉子業公副明俊偉嘗  
自謂曰范文正公吾鄉先達心註六經志存憂樂吾  
敬之慕之乃所願學也是以刻苦讀書似文正南都  
晝夜講誦時領鄉薦中天順元年二甲進士侑祥符  
八年登第時選授陝西道監察御史似除右司諫時  
尋遭忌害出知河南光山縣似出知睦州時何其相

似邢已而丁內艱起任江西之吉水政尚公直令行  
民愛而不便於豪勢竟以此罷歸而文正歷履中外  
晚參大政又何不相似邢既歸不屑趨世利恬然自  
處口不談國政足不入公府復號無礙天全以自遣  
有矩度日積月蓄量入為出用致饒裕主中饋佐蒸  
嘗需賓容調族黨門庭之內熙熙穆穆此其可書也  
先是母初歸時憲之父守中母張氏具慶兄嫂亦偕  
安寧母養舅姑在敬與愛不獨口體事伯嫂雍肅無  
違內外稱無間言如是者十五年舅歿又九年姑歿  
哀極禮備又三越月夫憲亦歿毀幾滅性大事既襄

喪期奄盡時文淵年十五命就學外戚有欲廢之者  
母厲聲曰光大門閭顯揚宗祖無踰讀書吾兒有志  
何以廢為學如故諸兄弟姊妹婚嫁既完各從職業  
是以文淵得肆力經書中成化庚子科鄉舉登弘治  
癸丑進士任大名府濬縣知縣劄明果斷事輯民安  
牧民中第一流人物以其又可書也子四人女五人  
孫男九人孫女七人子長文清配王氏生孫男欒榮  
析朴機掾孫女姐又姐次即文淵配吳氏孫男槩柱  
孫女攀次文潔配王氏生男采孫女小攀媪次文澤  
配王氏生孫女又攀女長遼州人蘇振子仲祿次遼

高文晟子暘次適吳思明子暘次適縣簿郭授子汝  
獨次適吳仲彪暘皆文獻故家子孫英發淑秀森如  
玉立是又可書也文澤今為州學廩膳生明達舉業  
妙選不卜可期文淵他日何施不可母之

恩封何所不至是又可書也嗚呼母壽矣而不償德  
榮矣而不待封造化乘除果有意乎哉母生於宣  
德四年己酉十一月初三日酉時卒於弘治九年五  
月二十六日午時享年六十有八擇以是年八月初  
十日合葬夫君之墓禮也銘曰

禮重內則人道攸同維敬斯孝維順乃恭壽不滿德  
貴不待封前之所當後之所豐亡者雖終存者方隆  
麟之趾兮榮顯無窮我書銘詞刻諸幽宮

質菴王先生墓誌銘

紀實者無溢美傳後者無費詞六經而下任在良史  
筆今之誌銘蓋一人之史雖昌黎不免劉義一椽甚  
矣銘之難也質菴先生卒其子震衰跣哭而造余曰  
知吾父者莫公若墓中銘微公何屬言已又哭然前  
此二年先生命余作生誌銘余不忍為因循至於今  
斯言未復且余少與先生同窗赴選同寢處愛護周  
至雖紀其所難何可不銘按狀先生姓王氏諱述字

希古質菴其號也世為瀋人僑居邑之新鎮其先本  
出於大原春秋時王子成父有功賜姓歷魏晉涉隋  
唐迄於宋元本支豐豫大父以上世有令人父志學  
甫以信義見重鄉邦母楊氏生三子先生居長賦性  
剛直剛正而近仁直正而好義事有不為為則必歸  
於正故事親在色在志不徒口體處同氣在怡樂庭  
訓在嚴是正於家道也早落儒學生講讀務窮理善  
楷書同輩敬服後進宗仰掌教者嘗以陰私劫同寅  
事覺先生正色曰辱教化非美事彼寧無詞邪遂寢  
是正於學校也出仕紹興之山陰丞以廉能著聲時

黎陽王棗敏公集

卷之二

三十四

曹娥江湮塞太守彭公推委董治閩八邑夫餘四萬  
有猾掾重斂以賂覲寬限恣括剋先生正其罪以示  
衆不五日工告完是正於官司也未幾以親老故謝  
政歸道經揚子江颶風大作檣楫摧敗舟人惶駭莫  
措先生危坐舟中誦古人平生仗忠義句意氣自若  
颶蕩十餘里得抵焦山老衲顧慰云陰德所濟後必  
昌是正以俟命也中途聞父訃音絕而復甦妻若子  
與孫以毀不滅性進勸三日乃飲粥匍匐來奔祭葬  
一遵於禮是正以慎終也至於里有酗酒謾罵鷓鴣張  
攘奪者先生筆誅口伐甚於斧越彼亦無敢怨怒即

改而止柔懦負屈力為申拔牙角紛爭片言折服是  
正以善俗也尤重交道賢雖貧賤未為深契不賢雖  
貴要以禮謝絕是正以取友也自宗族以及閭巷窮  
無依困不振者調恤有差俾各遂生養好畜佳品濟  
人當疫厲大行以梨啖之全活甚衆是正以博愛也  
歲荒積穀者來時取數倍利先生平其直麥歲缺種  
粟利者如前先生減其半是正以平施也商貿易多  
直白金三十六既去先生知其誤令追送還行客暮  
投館宿早發遺一囊家人得之先生驗封如故亦令  
還之是正以無苟得也里無私塾先生為立學廵師

教親疎子弟隨其材器各有造就見漆浦二孫頴敏  
遣詣河南從師儒授經講學歸就邑庠克榮子員家  
去邑二舍許先生恐自縱荒惰命老妻隨處日視飲  
食夜繼膏燭由是功倍業精漆以易中成化丁酉科  
鄉試洎以易中癸卯科登丁未進士拜刑科給事中  
推恩封父如其官母贈孺人漆亦授吏部司務俱  
以王事便道歸省錦彩輝煌拜舞稱壽人生至榮  
至樂聚於一堂寵光之來未有恹渙是又貽厥孫謀  
之正也晚年築圃周植四時花木結軒於其中和陶  
誦屈時或種瓜摘蔬優游自適子孫以為勞先生以

爲真樂是又觀頤自卷之正也偶嬰微疾子震白迎  
醫曰死生有命醫何為疾革屬震及諸孫汝輩慎行  
好事勿墜先德且遺語溱洧一力盡忠語訖卒於正  
寢時弘治十年六月初十日也上距所生永樂六年  
戊子十一月初六日得壽九十歲配葛氏閑於起家  
克主祭養卒繼娶張氏即助孫勤學者晚奉先生寢  
食動息必親必謹子一即震孫五人長涿散官次即  
溱洧次瀾次濟儒學生曾孫八人桐儒學生次松梓  
楫梅楷朴暨曾女四人采薇采蘋福佑福保俱幼擇  
以是年十二月十七日合葬先塋之次禮也嗚呼先

生負正氣存正心由正道匪劉於仁即直於義視不  
正者可炊而僿天地間一正人君子也是以在人之  
德不可必盡者先生盡之在天之福不可必得者先  
生得之開無窮之慶垂不死之名始終全美俯仰無  
愧九泉有知尚歆斯石銘曰

盡人之天得天之天胡為乎然胡為乎不然維德罔  
愆而福乃全永昌厥後有開必先可死者形闕諸幽  
泉不死者銘聿千萬年

賦

舜韶遺響賦

粵成化二十年歲在孰徐客有謁余者手持一軸展而視之光彩射日神遊高明氣接流俗是盖天潢淬兔穎之奇鋒星斗煥鶩池之美王子何為而得此哉客曰少無所事惟琴是嗜偶得其端穆承厥賜噫予亦嗜此學而未能力為子彈予為子聽客乃焚香致琴于几凝神端居然後入指初眇眇兮屏宮徐矯矯兮縱橫牛鳴釜中兮重濁雉登木杪兮輕清既斷而復續絕無而僅有寓至味於太羹擅醇風於酒聲中之意意外之聲意盡聲止續如以成少焉客起長揖請問其故樂何古今人何好惡嗟予不博舜琴五絃南風援歌和氣光宣上博軒轅下談文武會之者稀寥寥可數師襄不生兮魯叟誰師鍾期既沒兮伯牙誰知淵明適趣兮自樂叔夜感時兮獨悲此古聖賢所以難匹而寡和也至若秦箏載鳴燕姬既舞酒酣耳熱揮金如土又若花奴解襪羯鼓聒天樂極洋洋九竅灑然斯時也誰復知有琴哉此今之世俗長往而不返也雖然妙理難言奇物不偶穹壤之間豈獨琴耶梅疎澹兮桃李香蘭幽獨兮枳棘芳鳳翔寥廓

兮磨遊乎大荒鷄鳴亟谷兮大吠乎山崖貴燕石兮  
賤荆玉利鉛刀兮棄干將羅珎羞兮薄菽粟之味衣  
錦綉兮鄙布帛之裳人情反覆世態淡涼規盈矩滯  
尺短寸長引伸觸長心寔孔傷客聞余論亦太息而  
徬徨盡以無窮之思付造化之茫茫醉而已矣乎好  
今者非好古好古者非好今毋以天下之好廢天下  
之耳毋以天下之耳絕天下之心姑括囊以藏器時  
容語以待夫知音

平岳武穆廟賦 在州北拱辰門外

悵夫君之侘傺兮覽遺廟之荒涼重徙履以徘徊兮

黎陽王襄敏公集

卷之二

二十一

心憑噫而徬徨芟蘭之芬芳兮鑿余誠之如在嗟中  
道而返兮衆妬之以脩能當宋轍窘步兮志茱萸而  
攘詢雖九死其未悔兮固君子之所厚剗崔嵬以切  
雲兮從長劍之縱橫挾孤矢以射天狼兮窮廣漠以  
肆行夫何靈修之不悟兮貴隴簾而棄死歟謂夷隨  
溷濁兮唯跼蹐之是求維鴟梟與鳩晨兮胡群之雀豐  
兮謂偃蹇其猶迴翔廓精忠以揚靈兮凌迭懼之明  
光曼余目以下節兮編愁膺以瞰詞願後車之戒兮  
涕滂滂而增悲

